



Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 31. Cheregatus Papæ Nuncius Norimbergæ.

[urn:nbn:de:hbz:466:1-66495](#)

Sæcul. XVI. vendi viam omnibus modis reducere emit-
A.C. 1522. mini. Quod si audire recusaverit juxta le-
 ges a vestratibus Imperatoribus latae, atque
 juxta recens vestrum hac super re Imperia-
 le edictum, fveritatis virga in eos animad-
 vertatis. Dabat Romæ die vigesima quin-
 ta Novembris Anno Christi millesimo
 quingentesimo vigesimo secundo.

§. XXXI.

*Cheregatus Papæ Nuncius No-
rimbergæ.*

**Acta conv.
Norimber.
Extat apud
Gold in Con.
Imper. t. 2.
& in fascic.
rer. expet.**

Igitur Cheregatus his monitis, literis-
 que munitus tanquam Sedis Aposto-
 licæ Legatus Roma Norimbergam ad
 Imperii comitia proficiscitur, illucque
 exeunte hoc anno perveniens ad initium
 Januarii Anno millesimo quingentesimo
 vigesimo tertio in publico Principum
 consessu comparuit, sermonemque di-
 xit, cui præter ea, quæ in mandatis
 habuit, nihil de suo adjecit, nisi quod
 geminam, quam ex Lutheri hæresi rite
 sentientes hauriebant, offenditionem ver-
 bis magis adhuc efficacibus exposuisset;
 deplorabat enim, quod ex omnibus Ger-
 maniæ circulis Monachi, & Virgines
 Deo sacratæ ruptis aut vi aut astu Mo-
 nasterii sui claustris ad sæcularem sta-
 tum transeant, vitamque præ ipfis quo-
 que dissolutissimis Laicis longe magis
 scele-

sceleratam ducant, necnon Sacerdotes Sæcul. XVI.
A.C. 1522.
tot sacrilegiorum exemplis animati pa-
lam connubia ineant, ad quæ cohiben-
da scandala tam enormia Episcopi nec
sat virium haberent, nec Magistratus
potestatis suæ auxilium præbere vellent.
Absoluta hac oratione Cheregatus Prin-
cipibus congregatis monita, ac Ponti-
ficiis diploma tradidit.

§. XXXII.

Responsum Principum Legato Ponti- ficio datum.

Principes in comitiis congregati scri-
pto respcionem dabant, hunc in
modum: *Serenissimus Princeps Ferdinandus comitiorum Praeses, ceterique Principes de suæ Beatitudinis ad summum Apostolatus apicem electione incredibili quadam animorum hilaritate & lætitia sunt affetti, ac summo studio ex animo orant, ut sua Sanctitas in hoc sancto proposito, ut pius Pastor & Patr' perget, nilque intentatum relinquat, quo dissidentes Principes ad pacem reducat, ut instantibus Christianæ Republicæ periculis & Turcœ conatibus obſſi possit. Pro quo omnes Principes Germani una cum ceteris Potentatibus omni ope & opera fideliter sunt laboraturi; profitentur enim, se non minus quam Beatitudinem Pontificiam ex animo dolere, de impietatibus, anima-*